



Međunarodna osnovna škola Mostar

Zalik bb

88000 Mostar

Telefon: 036 320 766; 063/382 007

e-mail: info@internationalprimaryschool.ba

## **Kodeks ponašanja roditelja u Međunarodnoj osnovnoj školi Mostar**

### **1. Poštovanje, komunikacija i saradnja**

Roditelji su naši partneri u obrazovanju i odgoju djece. Očekuje se da svi roditelji i staratelji:

- komuniciraju s osobljem škole s poštovanjem, u duhu saradnje i razumijevanja,
- poštuju profesionalnu ulogu nastavnika i drugih uposlenika škole,
  
- izbjegavaju ponašanja koja bi mogla biti agresivna, uvredljiva ili neprimjerena, bilo usmeno, pisano ili putem digitalnih komunikacija
- prva osoba kojoj se roditelji obraćaju u bilo kojem kontekstu komunikacije, vezane za nastavni proces je učiteljica, druga pedagog, posljednja direktor, a sekretarica/tajnik te direktor/ica za ostala pitanja nevezana za nastavni proces
- Roditelji se ohrabruju da otvoreno i konstruktivno komuniciraju sa školom.
- U slučaju zabrinutosti ili nesuglasica, roditelji se trebaju prvo obratiti razredniku, a zatim, ako je potrebno upravi škole.
- Da se informacija koju dobiju roditelji od djece prethodno provjeri sa učiteljicom prije donošenja suda ili ocjene
- Privatne informacije o drugoj djeci, porodicama ili nastavnicima ne smiju se dijeliti ili komentarisati javno (uključujući društvene mreže).

### **3. Dolazak i boravak u školi**

- Roditelji trebaju dolaziti u školu samo kada je to potrebno i najavljeno, osim u slučajevima hitnosti.
- Prilikom dolaska, roditelji se trebaju prijaviti na recepciji/ulazu (ako postoji).
- Zabranjeno je ulaziti u učionice ili ometati nastavu bez prethodnog dogovora s osobljem.

#### **4. Sigurnost djece**

- Roditelji su dužni osigurati da dijete redovno i na vrijeme dolazi u školu.
- Prilikom dovođenja ili preuzimanja djece, roditelji trebaju poštovati pravila škole i dogovorene termine.
- Svaka promjena (npr. ko dolazi po dijete) mora biti pravovremeno najavljena učiteljici.

#### **5. Učešće u školskom životu**

- Roditelji su pozvani da učestvuju u životu škole na način koji podržava njen rad – prisustvom na roditeljskim sastancima, priredbama, radionicama i drugim događajima.
- Poželjno je da roditelji svojim ponašanjem budu pozitivan uzor djeci.

#### **6. Odgovorno izražavanje i zaštita ugleda škole**

- Roditeljima se preporučuje da ne iznose lične frustracije, nezadovoljstva ili privatne konflikte s osobljem škole, trećim osobama ili putem javnih kanala (uključujući društvene mreže), jer takvo ponašanje može narušiti ugled škole, izazvati nesporazume i štetiti cijeloj zajednici.
- Neosnovano širenje dezinformacija, klevete ili javno diskreditovanje rada škole može predstavljati ozbiljno kršenje ovog pravilnika i, u težim slučajevima, osnov za pravne posljedice, uključujući i podnošenje krivične prijave, u skladu sa zakonima Bosne i Hercegovine.

#### **7. Upotreba društvenih mreža**

- Od roditelja se očekuje odgovorno ponašanje na društvenim mrežama, posebno kada se komentarišu aktivnosti škole, osoblja ili druge porodice.
- Kritike, nesuglasice ili pritužbe treba uputiti direktno školi, a ne javno iznositi putem interneta ili društvenih grupa.
- Školske viber grupe se koriste isključivo u svrhu informisanja ili obavijesti vezanih za nastavni process, viber grupa se ne koristi u shvru razvijanja komunikacije između roditelja, kreiranje prijateljskih odnosa ili davanje mišljenja ili komentara za bilo kakvu problematiku

#### **8. Diskriminacija i nasilje**

- Škola ne toleriše bilo kakav oblik diskriminacije, uvredljivog govora, uznemiravanja ili nasilnog ponašanja – ni među djecom, ni među odraslima.
- Roditelji koji se ponašaju neprimjereno mogu biti pozvani na razgovor s upravom i, u krajnjem slučaju, njihovo prisustvo u školi može biti ograničeno.

Ovaj pravilnik primjenjuje se na sve roditelje, staratelje i druge članove porodice koji dolaze u školu ili učestvuju u komunikaciji sa školom. Njegov cilj je očuvanje sigurnog, profesionalnog i zdravog okruženja za svu djecu.